

Modèle CCYC : ©DNE

Nom de famille (naissance) :
(Suivi s'il y a lieu, du nom d'usage)

Prénom(s) :

N° candidat :

N° d'inscription :



Né(e) le :

(Les numéros figurent sur la convocation.)

1.1

ÉVALUATION

CLASSE : Première

VOIE : ☐ Générale ☐ Technologique ☒ Toutes voies (LV)

ENSEIGNEMENT : breton

DURÉE DE L'ÉPREUVE : 1h30

Niveaux visés (LV) : LVA **B1-B2** LVB **A2-B1**

Axes de programme : **Axe 6 : Innovations scientifiques et responsabilité »**

CALCULATRICE AUTORISÉE : ☐ Oui ☒ Non

DICTIONNAIRE AUTORISÉ : ☐ Oui ☒ Non

☐ Ce sujet contient des parties à rendre par le candidat avec sa copie. De ce fait, il ne peut être dupliqué et doit être imprimé pour chaque candidat afin d'assurer ensuite sa bonne numérisation.

☐ Ce sujet intègre des éléments en couleur. S'il est choisi par l'équipe pédagogique, il est nécessaire que chaque élève dispose d'une impression en couleur.

☐ Ce sujet contient des pièces jointes de type audio ou vidéo qu'il faudra télécharger et jouer le jour de l'épreuve.

Nombre total de pages : 4

Baccalauréat général et technologique

Langues vivantes régionales - Breton

Classe de première

Compréhension de l'écrit et expression écrite

(3^e trimestre)

<u>Niveau visé</u> LVB : A2-B1	<u>Durée de l'épreuve</u> 1 h 30	<u>Barème 20 points</u> CE : 10 points EE : 10 points
---	---	--

L'ensemble du sujet porte sur l'**axe 6** du programme : **Innovations scientifiques et responsabilité**

Il s'organise en deux parties :

1- Compréhension de l'écrit

2- Expression écrite

Vous disposez d'**une heure trente** pour prendre connaissance de l'intégralité du dossier et pour traiter la compréhension de l'écrit (partie 1) et le sujet d'expression écrite (partie 2) **en breton**.

Diell 1

Dour

Disec'het e oa ar puñs, a-nebeudoù, hep na ousfed perak. Ret e oa toullañ ur puñs all. Galvet e oa bet un den a vicher, ha gant e vazh kraoñ-kelvez en doa merket sklaer al lec'h a vefe da doullañ. Hag e oa bet toullet, hep re a boan. E gwirionez, ne oa ket bet da vont don, a-vec'h tri metrad, hag e oa difoupet an dour.

Na pet ha pet gwech n'am eus ket klevet va mamm o lavaret din : « Kea 'ta da gerc'hat dour d'ar puñs, ha kas daou sailh ganez, evel-se e vo a-walc'h betek warc'hoazh ! » Hag ez aen gant daou sailh betek ar puñs nevez, daou ugent metrad pelloc'h, hag e teuen en-dro gant daou sailhad a zek litrad, ponner awalc'h evit ur paotrig a zeiz vloaz !

Bez' e c'hellit krediñ e oa joa vras en ti p'en em gavas korzennoù an dour-red betek al leur ha betek an ti : dour evit ar gegin, dour d'en em walc'hiñ, ha dour evit al loened, forzh pegement. Dalc'het hon eus koulskoude e-pad pell d'ur boazamant kozh : e-pad an hañv ez aemp da gerc'hat dour fresk da evañ e feunteun Traoñ-Lann.

Kalz eus an dud er bed n'o deus ket c'hoazh a zour-red en o zi, hag eo un druez gwelet kement-se en deiz a hiziv. Kaout dour glan da derriñ sec'hed an den a zo unan eus kentañ gwirioù mab-den. Gouzout a reomp-ni, ar re goshañ, petra eo mont da glask dour, ha pegen spontus e vez pa vez saotret an dour.

Job An Irien, *Chroniques 2012-2013*, Minihi-Levenez, 2013.

Diell 2

Ar mor a zo glas... kaol

E-pad ur pennad ez ae an hent hed-a-hed ar stêr. Ur stêr ma teue an dour, diwar ar maezioù don en tu all d'ar bourk, d'en em daoler er mor. Nag a freuz abalamour d'an dour-se. Va Doue benniget ! An dour o kas an hañvouez, staot ar moc'h hag ar saout d'an oad da vagañ ar glandour. Ha staot d'ar Bourkiz, ar faioed, an douristed, an ekolojisted, ne oa ket a nitrat nag a fosfat en o zouez kredap ! Nag a vec'h a veze lakaet en hañv war gein Yann Gouer abalamour d'ar glanndour, ar « bezhin glas » tro ma lavarent bremañ dre fazi, a c'holoe an aodoù hag a chome da flaeriañ ha da vreinañ war an traezh sañset ! Gwir eo, un tammig re frank e oant bet aet, poent oa bet, gant an dour-hañvouez hag al ludu. Bremañ avat ne oa ket tro ken da glemm, ne oa ket ken gwazh se. Aod Kerelven, ne pa ve ken, a oa disklabez, tamm glandourenn ebet warni, koulz lavaret. Perak mont da glask spontañ an dud gant disterachoù a-seurt-se ? [...]

An deiz war-lerc'h vintin e savas abred Roparz diouzh e wele evit mont da neuñv. Pa zigoras an nor da vont er-maez e krogas ur c'hwezh kreñv spontus en e fri hag e toull e c'houzoug. Brav oa an amzer ha glas ar mor. Ha glas an aodoù hag an traezhennoù penn-da-benn pleg-mor ar Goredoù, goloet gant bernioù glandour uhel ha flaerius. Glas... kaol !

Diwar Goulc'han Kervella, « Ar mor a zo glas... kaol », *Boned glas ar Pagan*, 2012

1. Compréhension de l'écrit (10 points)

Respontit e brezhoneg d'ar goulennoù amañ war-lerc'h :

- a) Peseurt cheñchamantoù en deus gwelet Job An Irien a-fet dour en ti ? (Diell 1)
- b) « Perak mont da glask spontañ an dud gant disterachoù a-seurt-se ? » Displegit ar frazenn-se. (Diell 2)
- c) Peseurt talvoudegezh zo gant an dour hervez an div destenn ?

2. Expression écrite (10 points)

Respontit e brezhoneg da unan eus an daou c'houlenñ amañ war-lerc'h.

Savit ur pennad-skrid a 120 ger d'an nebeutañ.

Goulenn A

Un ekolojist hag ul labourer(ez)-douar zo o sellet ouzh ar mor goloet gant bernioù glandour.
Savit an diviz etrezo.

Goulenn B

Ha prest e vefec'h da cheñch traoù zo en ho puhez kuitez da saotrañ an endro ? Displegit.